

# ГЪАЛИБВАЛ МУБАРАКРАЙ!



# САМУРДИН

«Магъарамдхуруун район» МР-дин общественно-политический газет.  
Общественно-политическая газета МР «Магъарамкентский район».

Тешкилайди: «Магъарамдхуруун район» МР.

# ССС

Газет 1951- йисалай акъатзава. № 19 (7735) киш, 9 - май, 2015- йис. Къимет 6 манат.

## Гъалибвилин суварин тебрик

1945- ЙИСАН рикелай алат тийидай Гъалибвилин йикъалай инихъ гзаф йисар алатнава, чандилайни гъил къачуна Ватандин азадвал хвейибур фадлай къуъзуъ хъанва. Амма чун патал абур эбеди жегъилар ва жуърэтлу игитар яз, Гъалибвални чи риклера авай эбеди сувар яз амукъда. Къе чна фронтовикриз, далу патан ветеранриз ва абурун невейриз 9-МАЙДИН СУВАР риклин сидкъидай тебрикзава.

Гъалибвилин Юкъуз чаз азадвал ва аслу туширвал гъайи ГЪАЛИБВИЛЯЙ члехи несилдиз риклин сидкъидай чухсагъул лугъуз кланзава ва гъалибчи несилдиз 9-майдин югъ мубаракзава.

Гъалибвал къазанмишай йикъалай инихъ несилар дегиш хъана, чун члехи хъана. Гила ислягъвилин къаравулда акъваздай чи нубат атанва. Чун бубайрин женгинин адетриз вафалу жедайдахъ ва абур ян тагана давамардайдахъ рикливай инанмишвал ийиз кланзава.

Чи члехи уълкведин халкъарин туъуън тийидай Гъалибвилик чи районгълийрини чпин члехи пай кутуна. Чи райондай фронтдиз 2500 касдилай гзаф фена. Абурукай 1800 кас Ватандин Члехи дяведин ягъунрин майданра 1800 касдилай гзаф телеф хъана. Атлугъай а йисара далупата амайбуруни фронт суърсетдалди таъминарун патал югъ-йиф зегъмет члугуна. Чаз азадвал ва ислягъвал гъайи, и кар патал галатун тийижиз зегъмет члугур вирибуруз къе чна къилер агъузана икрам ийизва.



Гъуърметлу ветеранар ва вири районгълийяр! За квез «Магъарамдхуруун район» муниципальный райондин, адан администрациядин ва Райондин Собраниедин тварунихъай Члехи Гъалибвилин 70 йис тамам хъун мубаракзава. Къуй квехъ сагъвал, бахтлувал, къвалахра агалкъунар ва къилел эбеди михъи цав хъурай.

**Фарид АГЪМЕДОВ,**  
«Магъарамдхуруун район» МР-дин Къил,  
Райондин Собраниедин председатель.





**1945-2015**

## Советрин Союздин ИГИТАР



Велиев  
Мирза  
Девлетович




Салиг'ов  
Эсед  
Бабастанович



Эмиров  
Валентин  
Аллаг'ярович



Алиев  
Араз  
Къазимегамедович



Алиев  
Гъазрет  
Аг'яевич



**ШЕГЪЕРАР-ИГИТАР**

### БРЕСТ, Брестдин къеле

БРЕСТДИН къеле 1941-йисан 22- июндиз немсерин къушунриз акси румар гайи сифте сенгеррикай сад я. Душмандихъ вири патарихъай артуханвал авайтлани, Германиядин къушунривай ам анжах 30- июндиз къачуз хъана, вични 550 килограмм къведай 2 бомба, ахпа 1800 килограмм

къведай мад са бомба вегъей-далай къулухъ. Анжах ахпа къеле кисна ва аниз немсер гъахъна. Амма къеле хуъзвай-бурун алакъа авачир гъвечи дестейри августдин сифте къилерал къван аксивал давармарна. Брестдин къеле 1944-йисан 28- июлдиз 1- Белоруссиядин фронтди азадна.

### 1945 - ЙИС. ГЕРМАНИЯДИ СА РАХУННИ АЛАЧИЗ РЕЙ ГУН



**ШИКИЛДА:** Германияди са рахунни алачиз рей гунин актунал къул члугвазвай вахт. Ацукънава чапла патахъай эрчи патахъ: А. Я. Вышинский, авиациядин къилин маршал Теддер, Советрин Союздин маршал Г. К. Жуков, генерал Спаатс, генерал Делатр де Тасиньи. Актунал къул фельдмаршал Кейтеля члугвазва.

«Правда» газетдин дяведин корреспондентар тир Я. Рюмкинан ва В. Теминан шикил.

# Чи арада амай ветеранар - районэгълияр



**ШИХБУБАЕВ Шихагъмед  
Муьгъверган.**



**ЭРЗИМАНОВ Ханбуба  
Кирка.**



**АМРАГЪОВ Нисред  
Магъарамдхуър.**



**ШИХАЛИЕВ  
Мирземагъамед  
Самур.**

**РАЙОНДИ - ФРОНТДИЗ**  
МАГЪАРАМДХУЪРЯЙ фронтдиз 2500-далай гзаф итимар фена. Абурукай 1800 касдилай гзаф Ватандин Чехи дяведин ягъунрин майданра игитар хъиз телеф хъана. Хуърера дяведин ялав галукъ тавур хизан саки амукънач. Зегъметдин фронтдани вири хуърерай гзаф инсанри иштиракна. Чи райондин агъалийри танкарин «Дагъустандин колхозчи» колонна туюкълурун патални пул киватуна активвилелди иштиракна.



**МАГЪАМЕДРАСУЛОВ  
Магъамедт'агъбир  
Хъартаскъазмаяр.**

## ВЕТЕРАНДИЗ МУГЪМАН ХЪАНА



ВАТАНДИН Чехи дяведа Гъалибвал къазанмишайдалай инихъ 70 йис тамам жезвай суварин вилик Магъарамдхуъре авай махсус школа-интернатдин са десте аялар ва малимар Магъарамдхуъре яшамиш жезвай фронтовик Амрагъов Амрагъаз мугъман хъана.

Амрагъ халуди чун сивел хъвер алаз къабулна ва чаз яр-емиш, чай алай суфрадихъ теклифна. Ада чаз дяведин залан рекъерикай сугъбет авуна. Аялри Ватандиз, Гъалибвиллиз, ам къазанмишай кьегъал рухвайриз бахшнавай шиирар келна. Эхирдай риклел аламукъдай шикил яна.

**А. САИДОВ.**

# ГЪАЛИБВИЛИН



## РИКІЕРА ЭБЕДИ ЯЗ АМУКЪДА

ГЪЕПЦЕГЪРИН куьгъне хуьре дидедиз хъайи Вагъабов Ниязан аял вахтар лап четинбур хъана. Адан буба и дуньядила фад финикди хизандин акъалтІ тийидай дердияр адан хивез аватна. Ада малар, лапагар хвена, вичелай гъвечи стхадиз ва вахаз тІуьн-партал гун патал дидедиз вичелай алакьдайвал куьмекар гана.

Дяве башламишайла зегъметда лигим хъанвай Ниязни хуьруьн комсомолрихъ галаз хушуналди фронтдиз рекъе гъатна. Грузиядин Гори шегъерда жегъил аскердин курсара хъайи цІуд йикъалай ам къати женгерин иштиракчи хъана.

Душмандихъ галаз сифте женгиниз Нияз Вагъабович Брянскдин патав экъечІна. И къати женгера чи аскерри чпин къастунал кІевивал къалурна ва гитлерчийрин планар чІурна. Гъа и женгина къалурай уьтквемвиляй Нияз Вагъабовичаз «За отвагу» медаль ва Верховный главнокомандованиедин Грамота гана.

Гуьгъуьнлай Вагъабов Нияза Фонинодин патав кьиле фейи женгера, Смоленский областдин ва Белоруссиядин шегъерарни хуьрер душмандикай азад авур женгера дагъвидиз хас тирвал



уьтквемвилелди иштиракна. Могилев шегъердин патав фашистрин десантдин аксина кьиле фейи къати женг иллаки рикелай алат тийидайди хъана. Гъа и женгинай ада Верховный командованиедин патай нубатдин награда къачуна.

Чи ватанэгълиди Белоруссиядин, Украинадин, Польшадин шегъерарни хуьрер душмандикай азад авур женгера иштиракна ва дяве Берлинда акъалтІарна. Берлиндиз къван рехъ къезилди хъанач. Адал са шумудра хирер хъана, госпиталрани хъана, ахпа гъар сеферда женгиник экечІ хъийиз хъана. Женгера къалурай къагъриманвилерай виклгъ аскер «Ватандин дяведин»

1- дережадин ордендалди, гъакІ цІудралди женгинин медалралди ва Верховный главнокомандованиедин грамотайралди лишанлу авуна.

Вагъабов Ниязан аскервилин къуллугъ Гъалибвал къазанмишайдалай къулухъни 8 вацра давам хъана. КІвализ хтайвалди ислгъ зегъметдик экечІ хъувуна. Ял ядай вахт авачир. Гила колхоз гуьнгуьна хтуна кланзавай. Гуьгъуьнлай хуьруьхъ галаз ЦІийи Гъепцегърал куьч хъайила 25 йисуз совхозда малдарвиле кІвалахна, та пенсиядиз экъечІдалди.

Нияз Вагъабовича вичин уьмуьрдин юлдашдихъ галаз вад аял хвена чІехи авуна.

Гзаф фронтовикар хъиз, ЧІехи Гъалибвилин 70 йис къейдзавайла, фронтовик, комсомолец, зегъметдин зарбачи, дах, буба Вагъабов Нияз чи арада амач. Амма адан экуь къамат ам чидай вирибурун риклера эбеди яз амукъда. Ам кечмиш хъайидалай къулухъ гъар йисуз 9- Май фронтовикдин веледар, мукъва-къилияр, къуни-къуншияр кІватІ хъана хизандин сувар хъиз къаршиламишун чІуриз тежедай адетдиз элкъвенва.

**Рита ВАГЪАБОВА.**



**Шикилда:** КПРФ-дин чкадин отделениедин секретарь З. Мурсалова Гъ. Идрисовадин хурудал юбилейдин медаль алкІурзавайла.

## ГЪАЛИБВИЛИН ГЪУЪРМЕТДАЙ

ЧІЕХИ Гъалибвилин 70 йисан суварин вилик квай йикъара Магъарамдхуьре КПРФ-дин чкадин отделениедин Бюродин заседание кьиле фена. Аниз зегъметдин ва далу патан ветеранриз, активистриз теклифнавай. Анал партиядин са жерге членрив Ватандин ЧІехи дяведа Гъалиб хъайидалай инихъ 70 йис тамам хъунин гуьрметдай КПРФ-дин ЦК-ди акъуднавай юбилейдин медалар вугана.

Бюродин заседаниедал гъакІ КПРФ-дин членвилез 4 кас къабулна ва абурув членвилин билетар вугана.

**КПРФ-дин чкадин отделение.**



**ГЪАЛИБВИЛИН**  
1945-2015

## Гъалибвилин птулар



ВАТАНДИН Чехи дяведа советрин халкъди Гъалибвал къазанмишайдалай инихъ 70 йис алатнава. Амма гзаф бедбахтвилер гъаи а дяве, азадвал ва ислягъвал гъаи Гъалибвал чи халкъдин риклелай алатзавач, я алатни ийидач.

И Гъалибвилик зи Магъарамдхурун жемятдини вичин пай кутуна. Югъ-йиф талгъана зегъмет члугналди фронт суърсетдалди таъминарна. Гъиле яракъ къаз же-



ВАТАНДИН Чехи дяведин йисара Ватан хвейибурун жергеда зи чехи буба Искендар Керимханович Гъуьсейновни авай. Ам 1908- йисуз Хуьрелрин хуьре дидедиз хъанай.

Чехи буба савадлу инсан тир. Ада 1936- йисуз Дербент шегъердин педагогический техникум акалтарайла гилан Магъарамдхурун ва Къасумхурун райондин са жерге школайра заведующийвиле

## ЗИ ЧЕХИ БУБАДИКАЙ ГАФ

дай итмар Ватан душмандикай хуьз фронтдиз фена. Абурун жергеда зи чехи буба Гъажиев Мирзе Магъамедовични авай.

Мирзе буба пешекарвилер рекъяй малим тир. Вични районда лап сифтебурукай сад. Ада 1915-йисуз Бакуда юкъван «Саадат» школа акалтарна. Ина вири предметрай дерин чирвилер гузвай. Ам акалтарай касдивай гъи тарс хъайитлани гуз жезвай. Зи бубади математика хяна ва адакай и рекъяй малимрин малим хъана. Ада Магъарамдхурун ва Къасумхурун райондин гзаф школайра математикадин тарсар гана, адалай гзаф аялриз математика рикливай кланариз алакьна.

Алатай асирдин 20-30-йисара школаяр кивачел акалдаруник чпин чехи пай кутур тешкилатчияр тими хъанач. Абурун тварар халкъди къени гуьрметдалди ва дамах авуналди къазва. Гъа жергеда Гъажиев Мирзе малимни авай.

1942-йисан мартдиз фронтдиз рекъе гъатайла ада вичин уьмуьрдин юлдаш Зулейхадал кьуд велед ихтибарна. Адакай 124- пияда кьушунрин полкунин аскер хъана. Къве йисуз душмандин хура акъвазайдалай кьулухъ Мирзе Магъамедович пешекар-педагог яз запасдиз рекъе хтуна. Им са зи чехи буба патал авунвай къезилвал тушир. Уьлкведин пакадин йикъакай фикир авуна кланзавай. Гъавилай Ватандин дяведин юкъвалай малимар дяведиз тухун акъвазарнай.

Фронтдай хтай зи чехи бубади вичин рикл алай пеше давамарна. Ада асул гъисабдай Магъарамдхурун юкъван школада математикадин тарсар гана.

1945-йисуз халкъдин образованиедин отделдин патав малимриз куьмек тешкилдай, школаяр программаралди таъминардай педагогикадинни методикадин кабинет тешкилна. Адан кылени тежрибалу малим Гъажиев Мирзе тайинарна. Зи чехи бубадикай районда сад лагъай методист хъана.

Фронтвик яз ва гуьгъунлай акалтарай несилдиз дерин чирвилер ва мягъкем тербия гунир рекъе къазанмишай агалкунрай зи чехи буба Мирзе малимдиз «1941-1945-йисарин Ватандин Чехи дяведа Германиядин винел гъалиб хъунай» ва 1946-йисуз «Баркаллу зегъметдай» медалар, 1951-йисуз «Трудовое Красное Знамя» орден гана. 1949-йисуз «Зегъметда къазанмишай къакъан нетижайрай халкъдин образованиедин отделдин методикабинетдин заведующий Гъажиев Мирзе Магъарамдхурун райондин райсоветдин исполкомдин Гуьрметдин грамотадалди» лишанлу авуна.

Зи чехи буба Гъажиев Мирзе яргалди члугур уьзуьрдилай кьулукъ 1961-йисуз рагъметдиз фена. Халкъ савадлу авунин рекъяй адан кар балайри давамарзава.

**Азиза ГЪАЖИЕВА,**

Магъарамдхурун М.Гъажиеван тварунихъ галай 1-нумрадин юкъван школадин 9-классдин ученица.

## РИКІЕРА ЭБЕДИ ЯЗ

ва географиядин, историядин ва биологиядин малимвиле кивалахна ва вич халкъдин образованиедин кивеклечи работник яз къалурна. Гъи и кардай ам са шумудра лишанлуни авуна.

1937-1942- йисара Къасумхурун райондин ОНО-да сифте инспекторвиле, ахпа заведующийвиле кивалахна. Дяве башламишайла жавабдар кьуллугърал алай ксариз фронтдиз звер гузвачиртлани, Ватандин къисмет гъалзавайла зи бубадидай дала пата акъвазиз хъанач, хуьре гъевчи кьуд аял чехи диде Фатиматал ихтибарна гуьгъуьллувилелди фронтдиз рекъе гъатна.

Фронтда адакай политработник хъана. Кавказда кардик квай армияда кьуллугъ ийиз башламишна. Искендар буба Кубань, Новороссийск ва Кавказдин маса шегъерарни хуьрер патал ягъунрин иштиракчи хъана. Женгера са шумудра хирерни хъана. Са сеферда залан хер хъуникди къве вацра Дербент шегъердин госпиталда хъана. Ахпа ам коммисоватна. Амма такабурулу чехи бубадидай и кар эхиз хъанач, мад фронтдиз хъфена. Дербентдай фронтдиз рекъе гъат хъийидайла ада вичин стхадиз ва уьмуьрдин юлдашдиз лагъана: «Сифте Ватан хвена кланда. Чан алаз амуькайтла, хъведа, тахъайтла... къисмет тирвал жеда. Аялар хуьх! Гъелелиг за аялри чпин бубадал ва азад авур уьлкведал дамах ийидайвал женг члугвада».

И йикъар вичин хайи чилел кечирмишай эхиримжибур хъана. Зи чехи буба Искендар Керимханович Гъуьсейнов залан хиреркиди 1943- йисан 5- октябрдиз кечмиш хъана ва ам Краснодар шегъерда сурара кучуднава. Адан аялар ва мукъва-кылияр гъар 9- Майдиз бубадин сурал физва ва цуьквер эцигзава. Чехи буба чи рикіера эбеди яз амуькда.

**Фарида ГЪУЬСЕЙНОВА,**

Магъарамдхурун М. Гъажиеван тварунихъ галай 1- нумрадин юкъван школадин ученица.

ГъА инал куьтягънайтлани жедай, амма чандилайни гъил къачуна чи Ватандин, чи халкъдин азадвал ва аслу туширвал патал женг члугурбур, хайи киваливай яргъара телеф хъайибур неинки хайи веледри, гъакл дявезар фейи чкайра яшамин жезвай жегъил несилдини риклелай ракъур тийизвайдини къейд тавуна жедач.

Гъар йисуз 9- Майдин суварин вилик Агъалар Гъуьсейнова вичин буба Искендар Керимханович кечмиш хъайи Краснодардай тебрикдин чар вахчуда. Кьилди къачуртла ана хъенва: «Куь буба цаяри кьунвай фронтрин рекъерай лайихлувилелди фена ва гъалиб хъана. Куь буба Гъуьсейнов Искендар Керимхановичан женгинин гъунардиз лайихлу хъун чи буржи я. Къез Гъалибвал мубаракрай!

Къез гуьрмет ийизвай Кубандин жегъилар».

Гъа ихтин тебрикдин чар Агъалар малимди Краснодардин крайдин военный комиссариатдин Крымск шегъерда ва Крымск района авай отделдайни вахчуна.



## ЎБАЛАЦБОВА 1945-2015

1941- ЙИСАН 22- июнь чавай йис-  
йисандавай чара жезва. Амма и зал-  
лум юг рикелай алатун мумкин туш.  
Чаз ислягъ, гульушан, мублагъ  
уьмуьр патал чанар гъайиф татана  
уьтквемвилелди женг чулгур, Ватан  
хвейи къагъриманар къвердавай  
тлмил жезва.

Зи чехи буба Агъакишев Селим  
Агъакиевич лежбердин хизанда  
къуд рушан къилел хъанвай рикл алай  
хва тир. Ам диде-бубади, гъакл ваха-  
ри къайгъударвилелди чехи авуна.  
Селим буба зегъметдал рикл алаз,  
гъвечли-чехи чидай аял яз чехи хъа-  
на. Шоколадани ада хъсандиз келна.

Советрин власть кивачел  
акъалтнавай четин вахтар тир. Уьл-



## ЧЕХИ БУБАДИН РЕХЪ

кве гуьнгуьна хтун патал савадлу ин-  
санар герек тир. Шоколар, малимар  
лап тлмил авай. Гъа ихътин шартлара  
школа къалтларай Селим буба Къа-  
сумхуьрел малимар гъазурдай курсар-  
риз рекъе туна. Ругуд вацран курсар  
къалтларайла ада гъаф хуьрера сиф-  
тегъан классрин малим яз зегъмет  
чулгуна. Гъа са вахтунда ада заочно  
Дербентдин педагогический техни-  
кумни къалтларна.

1941- йисуз дъве башламишайла  
школар агал хъана. Накъ партайрихъ  
галай жегъиларни, малимарни галаз  
Ватан хуьз рекъе гъатна. 1942- йисан  
25- мартдиз Селим бубани дъведиз  
фена. Пуд вацра Грузияда вердиш-  
вилер къачурдалай къулухъ ам Ке-  
ферпатан Кавказдин фронтдин 276-  
стрелковый дивизиядин 871- стрел-  
ковый полкуниз рекъе туна.

Са сеферда буба маса аскеррихъ  
галаз тапшургуь тамамарна тамай  
хквезвайла, са десте немсери чибур-  
уз гуьлле гана. Кивачихъ гуьлле га-  
лукъай буба вич-вичелай фена. Вич-  
вичел хтайла къуд пад секин тир.  
Галчуьр жез-жез ада виликди ялна.  
Бегъем рекъиз галчуьр хъайи ам  
чкланвай тевлел ацалтна. Йиф ина  
акъудна. Экуьнахъ мад жедайвал  
еримиш хъувуна. Эхир частуниз  
акъатна. И патай а патаз гуьлле акъ-  
атнавай чапла кивач сагъарун патал  
4651- госпиталдиз рекъе туна. Хер  
сагъар хъувурла духтуррин комисси-  
ядин къарардалди 1944- йисан 13-  
июндиз чи буба инвалид яз квализ  
рекъе хтуна. Бубади вичивай женг да-  
вмариз хъанча лугъуз гъамиша гъай-  
иф чулгувадай.

Дъведай хтай ругуд вацралай Се-

лим буба Магъарамдхуьруьн райис-  
полкомдин социальный обесечение-  
дин отделдин заведующийвиле тайи-  
нарна. 1948- йисуз ада вичин малим-  
вилин пеше давамар хъийиз башла-  
мишна. Селим Агъакиевича пенси-  
ядиз экъечдалди Магъарамдхуьруьн  
юкван школада кивалахна. Пенсия-  
диз экъечайлани ам хуьруьн, район-  
дин общественный уьмуьрдивай къе-  
рех хъанач. Адан патав меслят кланз  
вичи тарс гайи жегъилар къведай.  
Акъалтзавай несилдихъ галаз дъве-  
дин цаярикай, гъа девирдин инсанри  
чулгур зегъметдикай, ватанпересвили-  
кай гегъенш сугъбетар ийидай. Селим  
бубади вичи тарс гайи аялрал гъами-  
ша дамахдай. Абурун арада Хидиров  
Хидир Шайдабегович, Гъуьсейнов Агъ-  
алар Гъуьсейнович, партиядин рай-  
комдин 1- секретарь хъайи Латифова  
Зара Агъмадовна ва масабур.

Вичин уьмуьрдин юлдаш, чи чехи  
диде Тамумни галаз ругуд велед тер-  
бияламишна уьмуьрдин шегъредал  
акъудна. Абуру вири гъакъисагъ зегъ-  
метдалди тафаватлу хъана.

Чехи тухумдин хъсан адетар да-  
вамаруналди Селим бубадин гелерай  
вад хтулни, къве птулни физва.

2001- йисуз 96 йисан яшда аваз  
хъсан инсан, чи рикл алай буба Селим  
Агъакиевичан уьмуьр къатл хъана.  
Амма чи рикелай ам ва чаз ислягъ  
уьмуьр гун патал чпин чандилайни  
гъил къачуна душмандихъ галаз женг  
чулгур фронтвирик садрани рикелай  
фидач.

### 3. ШАГЪЛАМАЗОВА,

Магъарамдхуьруьн 2- нумрадин  
къван школадин малим, Селим бу-  
бадин хтул.

## Ражадуллагъ САЛМАНОВ

### АСКЕРДИН ЧАР Волгоград 1943-йис.

*Зи играми,ширин диде,  
Вуч хабарар ава хуьре?  
Закай фикир ийимир на,  
Акъвазнава душманд хура.*

*Цавай къвазвай гуьллейрин хар,  
Алахънава ххудиз вар.  
Гуда чна душмандиз рум,  
Хкатдайвал мурдардин тум.*

*Атанава Волга вацлал,  
Чаз масан тир шегъер патал.  
Веъез тадач шегъердиз кам,  
Хада адан кивачин клалам.*

*Чун буржлу я, хуьн куьн, Ватан,  
Куьн паталди гъайиф туш чан.  
Итимвилин я ам лишан,  
Агуд тавун кивалив душман.*

*Багъишламиш ая вуна,  
Ава, диде, чун цун хура.  
Авач мажал кхьидай чар,  
Къвазва цавай гуьллейрин хар.*

*Абурукай галуьна сад,  
Авунава зи са кивач кабаб.  
Ийиз жуван кивачиз чара,  
Госпиталда къатканава.*

*Эхиз жезвач рикливай зи,  
Хъван хъийида адан иви.  
Акъалт хъувурла зун кивачел,  
Тадач чилел душмандин гел.*

*Лугъуз жедач, хер я залан,  
Жемир, диде, риклиз таклан!  
Аллагъ, Аллагъ хъижен зун сагъ,  
Хкведа зун гваз цавай рагъ.*

### ДЪВЕДИН ЙИСАР

*Дъведин йисар- хъана четин чаз,  
Хайи дидеяр хъана гъам чулгуваз.  
Нифретлу душман гъахъна варариз,  
Жегъил-жаванар алахъна рекъиз.*

*Винелай къуриз харадин клусар,  
Вуьгузвачир чав секин тир ахвар.  
Танкарай ягъиз чукуриз квалер,  
Ийизвай залан жегъилрал хирер.*

*Гъатна Ватанда дарвал, кашни  
мекъ,  
Алахъзавай чи беденрилай гъекъ.  
Акъвазнач къулухъ дидеяр хайи,  
Гана рухвайриз къуватар вири.*

*Вад йисан къене акъвазна хура,  
Авуна душман варани зара,  
Кукварна адан сомолет, танкар  
Азадна уьлкве, дуьньядин халкъар.*

*Тунач кафирдин чилел кивачин гел,  
Гъалиб хъана чун душмандин  
винел,  
Чанарилай чаз багъа я Ватан,  
Гъар са чиб чилин кланда чаз адан.*

ЛИТЕРАТУРАДИН ЙИС АЧУХНА

# СУВАРИН ВИЛИК СУВАР



29- АПРЕЛДИЗ Магъарамдхуъре авай РФ-дин халкъарин адетдин культурадин Центрда литературадин йис ачухуниз талукъарнавай шад мярекат кыле фена. Мярекатда райондин руководителри, интеллигенциядин векилри, райондин культурадин хиле кваллахазавай работникри, малимри ва школьникри, гъакчна вирида гъурметзавай чи районэгъли, Дагъустандин халкъдин писатель Абдуселим Исмаилов кыле аваз са жерге шаирри иштиракна.

И шад мярекат «Магъарамдхуъруьн район» муниципальный райондин кыл Фарид Агъмедова ачухна. Анал рахай райондин администрациядин кылин везифаяр вахтуналди

тамамарзавай Гъабибуллагъ Мурадалиева алай вахтунда литература авай гъалдикай, эхиримжи йисара ам лап зайиф хъанвайдакай, ам хкажунин, вилик тухунин рекъерикай, авай мумкинвилерикай гегъеншдиз ихтилатар авуна.

Ахпа межлисдин микрофон Абдуселим Исмаилова къачуна ва мярекат давамарна. Гаф гана рахай шаирар тир Фейзудин Нагъиева, Кчибег Мусаева, Мердали Жалилова, Гъулангерек Ибрагъимовади, Желил Мурадалиева, Зульфיקъар Къафланова, Исмихан Къадимова, Айна Шалбузовади, Аллагъяр Абдулгъалимова, Мукаил Агъмедова, Ражадуллагъ Салманова ва жегъил шаирар тир Владик Батмановани Сулейман Сулейманова

хайи члал, литература хуън, хкажун чи виридан буржи тирдакай, и кар патал чахъ авай мумкинвилерикай гегъенш суьгъбетар авуна ва абуру чпин са шумуд шиир клелна.

Литература вилик тухуник, хкажуник чпин лайихлу пай кутунай Айна Шалбузовадинни (Филерин хуър) ва Аллагъяр Абдулгъалимован (Хтункъазмаяр) РФ-дин писателрин союздин членвилез къабулунин гъакъиндай удостоверениеяр вахкана.

Мярекат яргъалди давам хъана, сиве-сивди ацланвай залда авайбур патал им дугъриданни са гъвечли сувар хъана. Э. Буржалиевади клелай шиирралди кхъенвай къисади, «Магъарамдхуър» къуълерин ансамблди авур къуълери, Билал Искендеровани Седакъет Сайидовади лагъай манийри, ашукъ Айдуна чуьнгуърдай тамамарай макъамри мярекатдин иштиракчийрин гуьгъулар мадни хкажна.

**А. АЙДЕМИРОВА.**

**ШИКИЛРА:** Дагъустан Республикадин халкъдин писатель Абдуселим Исмаилова литературадин йисан межлис кыле тухузава. Межлис кыле физвай залда (кланик галай шикилда).



# ГЪАЛИБВИЛИН



Мукаил АГЪМЕДОВ

## ГЪАЛИБВИЛИН ЮГЪ

Гъалибчияр-къагъриманар вилев хуъз,  
Эл виринра акъвазнавай къарайсуз.  
Шинель алай кас хура тваз, риклев хуъз,  
Авай вири : муштулук гуз «гъурра» гуз.

Им эрзиман мураддин югъ тир элдин,  
Тарихдин чин кхъей къизил гъарфаралд.  
«Гъалибвал» гаф гъар инсандиз эфзел тир.  
Гъейранваллиз халкъдин игит крарал.

Цава и къуз сирнавначир булутри,  
Тахъун патал серин уъзден уьмметриз.  
Клеклеъ гадриз къуьлерзавай набутри  
Вил эцигиз, акъажунра гъуьжетиз.

Ажалди рак гатаначир хестейрин  
Шадвал пузмиш тахъун патал и юкъуз.  
Салютрин ван артухзавай бендейри,  
Им фашистри рей гайи югъ я лугъуз.

Шумуд чанар, шумуд гъунар Ватандин,  
И югъ патал къатлун хъана мидаим.  
Экуь къастар авай риклер чаз масан  
Хура къана, несил патал милайим.

Гъалибвиллин йикъан къадир барутдин  
Ни такурдаз, тлал такурдаз чир жедач.  
Гъалибвиллин йикъан атир набутдин  
Зайиф хъанвай гъал такурдаз чир жедач.

Азадвиллехъ авай къимет хабар яхъ,  
Къвач гъурбатда туна хтай бендедвай.  
Члугур зегъмет, акур зиллет хабар яхъ,  
Хва женгерай тахтай гъар са дидедвай.

Йисарин цлургъ-хтарин цлургъ акал жез,  
И йикъакай яргъа хъайтлан датлана.  
Игитвиллин руьгъ риклера гъайкал жез,  
Хкаж жеда несилар мад атана.



КЪУЛЛУГЪЗАВА АСКЕРДИ ВАТАНДИЗ

## ЧУХСАГЪУЛ ЛУГЪУЗВА

ВАТАНДИН вилик буржидиз вафалувал Ватандин Чехи дъеда азадвал ва асул туширвал патал чандилайни гъил къачуна женг члугурбурун хтулрини, птулрини къалурзава. И кардин гъакъиндай исятда армиядин жергейра къуллугъ ийизвай рухвайрин диде-бубайри абурун командиррилай вахчузвай чарари шагъидвал ийизва.

Командиррин тарифриз лайихлу хъайи аскеррикай сад Гарагърин хуьряй тир Шихмурадгов Багъаудин Къадимович я. Алай вахтунда Азербайжан Республикадин Кусар райондин Цлехуьлрин хуьре яшамеш жезвай диде-бубадиз хцин командиррилай РД-дин военный комиссариатдин Магъарамдхуьруьн района авай отделдиз чухсагъулдин чар хтана. Ана кхъенвай:

«Гъуьрметлу Сусанханум Магъмудовна ва Къадим Гъажиевич! Бригададин командованиеди Багъаудин хътин хва тербияламишунай чухсагъул лугъузва.

Куь хва, намуслу, савадлу ва низамлу военнослужащий я. Ада вичел ихтибарнавай яракъ ва техника устадвилелди ишлемишзава. Россиядин Гъукуматди Крымдин Республикада вилик эцигнавай месэла гъалдайла вич тариф авуниз лайихлу жедайвал къалурна.

Чешнелу къуллугъдалди, женгинин чандилайни гъил члугур зегъметдалди ада командиррин ва юлдашрин патай гъуьрмет къазанмишна.

Куь хва аскервиллин буржи къилиз акъудунин рекъе идалай къулухъни чешне жедайдахъ, Россиядин Яракълу Къуватрин адетар намуслувилелди давамардайдахъ инанмишвал ийизва.

Воинский частунин штабдин начальник, подполковник В. ЯКОВЛЕВ».

Крым хъвадай целди таъминарун патал къиле тухвай къвалахра военнослужащийрини активвилелди иштиракзава. Абурун жергеда чи районгъли Багъаудин Къадимовични ава. Вичиз хас тирвал зегъмет члугуналди ам виридан патай гъуьрметдиз, Бахчисарайский райондин Ароматненский хуьруьн Советдин патай Грамотадиз лайихлу хъана.

**Ф. ГЪАЖИЕВ.**

## ВНИМАНИЕ

11 июня 2015 года 10 чсов в селении Магарамкент, в здании Магарамкентской сельской администрации по адресу у. Ленина, 7 кабинете у главы с/а состоится собрание по уточнению границ крестьянского (фермерского) хозяйства «Эмир» Тагирмирзоева Закира Миргамзаевича када-

стровым инженером Алиева Азиза Валентиновича кадастровый номер земельного участка 05:10:000055:0143 участок «Тул» просим явиться Эседуллаеву Зейнаба Омаровну для согласования границ земельного участка крестьянского (фермерского) хозяйства «Эмир». Тел: 89282493275.

Къилин редактор  
А. ИСМАИЛОВ.

Газет гъафтеда  
садра акъатзава.

Газет Магъарамдхуьруьн райондин администрацияда регистрация авуна.  
Регистрациядин № 301.

Редакциядин адрес: Магъарамдхуьр,  
Ленинан куьче, 4.

Телефонар: редактор- 25-1-37, жавабдар  
секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чалун патал къул члугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги члал.

Индекс 63340. Тираж 1458.  
Заказ № 19.

+7